

Dastumad Pennwern : dornskrid 89

## 18. AR MARC'HADOUR ROUAN.

( follennoù 49 - 52 )

Ar marc'hadour a lavare, pourmen var paveo Rouen  
 Me a meus choazet eur mestrezik hag a zo mistr a moan.  
 En e diwar en deus koular, he diou chod zo evel ar roz  
 He c'horf a zo ken galand, mond a raffe em boz.

---

Deud tu ganen, berjeren, da choas eul lien moan.  
 Salokras, marc'hadour, tano e zeo dar gouan,  
 Salokras, marc'hadour, dar gouan e zeo tano  
 A me zo eur berjeren ne c'hon ket ampezo.

---

Deud-tu ganen, berjeren, da ober eur bale,  
 Da klask din va lojeis, c'houi a voar an douare,  
 Da lakat va marc'hadoures en eur plas assuret  
 E lec'h ma vezo tud honnest a ne vezint ket laeret.

---

Salokras, marc'hadour, salokras nan din ket  
 An dud a zo ken habil, ac'hanon ve kozeet  
 C'halen me o c'hentcho da vonnet gant ar ru  
 En hostaliri a dorn deo c'houi a vezo lojet sur.

---

Ar marc'hadour a c'houlenne tal dor an hostaliri :  
 Neket aman an hostaliri e ve lojet tud eni ?  
 Ho eo, eme an hostiset, diskenit a deud en ti  
 Me ia da lakat ho ronsed ebars en eur marchossi.

---

Beza zo kig a bara a kambchou dereat,  
 A balamour dam c'hoar gaer c'houi a vezo lojet mad.  
 Var dro dek hag eunek eur pa voa poent mond da koan  
 Ar berjerennik iaouank er ger zo arruet.

---

- 50 -

O grassou mad, berjeren, hag o trugarekad  
Mar deo ébalamour dec'hu me a vezo lojet mad.

-----

Aman e zeus eur goële zo varnan tapissou guen  
Me gare evit kant skoet e ven enon o tisken.

-----

Aman e zeus eur goële zo varnan tapissou glas  
Me a gare evit kant skoet e vijem om daou ebars

-----

Ho eleel, marc'hadour ne nem c'haketit ket  
Na c'houi a ro din eun enor na ne meritan ket.

-----

Nag aben eiz dervez goude voan o daou dimeet.  
A ben eun ter siun pe eur mis e voa gret an euret.

-----

Me a ia breman, emezan, var ar mor eun neubed  
Da kerc'het va marc'hadoures a meus abandonnet  
En an' Doue, emezi, var ar mor nen deot ket  
An avel a zo gadel hag ar mor zo traitour.

-----

Mar c'harrife ken divad pe ar maro eb ken  
Me a zo digasset aman e lec'h na anavean den,  
Me a zo digasset aman e gis deur vinores  
A renk kemer ar sousi ken en ti vel er mes.

-----

En an Doue, ° ma fried, e nem gonsolet  
Rag va c'halon dija a zo qasi ranet  
Me kasso dec'h ac'hane, va douç, evit present,  
eun habid kaer a satin hag eun neubeud arc'hant.

-----

Me zigasso dec'h eun habid deus a melankoñi  
Hag a zalc'ho va unan an hini a souci,  
Me zigasso dec'h eun habid deus ar c'haera mezer  
hag a ben tri devez aman me a vo erru er ger

-----

Na pa voa an intanvezik en e goële kousket  
 Eun el guen var ar prenest tri tol en deus skoet  
 - Savit ta, intanvezik, da reço eur bresent  
 Dalit tu galon ho bried en eur c'hasset arc'hant.

Neb velfe an intanves o tisken deus e c'hamb  
 A rog dizi eur c'habucin a daou belek iaouank  
 A rog-zi daou kabusin deus en digas dan ilis  
 An daelou he daoulagat e koueza evel glis.

An daelou eus he daoulagat e kouea dan douar  
 E dal begou he boutou evel pechou c'houec'h real

° a-us : e zo

Gwel eo ° deur minor iaouank diweret a mam a tad  
 Evid nam deo dan intanvez diweret a pried mad  
 Rag eur minor iaouank a gavo eur gondition benag  
 E lec'h kalon an intanves zo en tourment noz a de.

-----  
 vvvvvvvvvvvvvv

Jannet K/guiduff 23 Xbre 1850

-----  
 vvvvvvvvvvvvvvvvvvvv